




სამტრედიის მუნიციპალიტეტი

ქ. სამტრედიაში, კოსტავას ქ. #168-ში, ლ. თევზაძის ქ. #25-ში და ჩეხოვის ქ. #13-ში მდებარე ბინის მესაკუთრეთა ამხანაგობების საკუთრებაში არსებული საცხოვრებელი კორპუსების სახურავების შეცვლის სამუშაოების შესყიდვა ელექტრონული ტენდერის მეშვეობით

სამუშაოები დაფინანსდება ხორციელდება თანადაფინანსების პრინციპით, კერძოდ:

- ა) შესრულებულ სამუშაოთა 10% -ს დააფინანსებს ბინის მესაკუთრეთა ამხანაგობა
- ბ) შესრულებულ სამუშაოთა 90%-ს დააფინანსებს სამტრედიის მუნიციპალიტეტი

სატენდერო დოკუმენტაცია

სარჩევი

1. ინსტრუქცია ტენდერში მონაწილეთათვის	3
2. ტექნიკური დოკუმენტაცია	6
3. ტექნიკური დავალება	8
3. სახელმწიფო შესყიდვის შესახებ ხელშეკრულების პროექტი	10
4. დამატებითი ინფორმაცია	16
5. დანართი #1, აფიდავიტის საილუსტრაციო ფორმა	17
6. დანართი #2 რეკვიზიტები.....	18
7. დანართი #3, ფასების ცხრილი იხილეთ დამატებითი ფაილის სახით	
8. დანართი #4, სამუშაოს დასრულების ვადა.....	19
9. დანართი #5, თანხმობა აუცილებელ და საგარანტიო პირობებზე	20
10, ანალოგიური სამუშაოების შესახებ ინფორმაციის ცხრილი	21

1. ინსტრუქცია ტენდერში მონაწილეთათვის

1.1. სახელმწიფო შესყიდვების ერთიან ელექტრონულ სისტემაში (შემდეგში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“, **„გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების** შესაბამისად.

1.2. სატენდერო წინადადების წარდგენისათვის უნდა იყოს დარეგისტრირებული სისტემაში მიმწოდებლის სტატუსით. შემდეგ ვალდებული ხარტ გაეცნოთ აფიდავიტს და დაეთანხმოთ მას (გაცნობას და თანხმობას ადასტურებთ სისტემის მეშვეობით). აფიდავიტის საილუსტრაციო ფორმა იხ. დანართი #1.

1.3. ამის შემდეგ, მიმწოდებელი ვალდებულია ჯერ წარმოადგინოს სატენდერო წინადადების უზრუნველყოფის ელექტრონული გარანტია, ხოლო შემდეგ გადაიხადოს ტენდერში მონაწილეობის საფასური.

1.4. სატენდერო წინადადების უზრუნველყოფის ელექტრონული გარანტია უნდა იქნას წარმოდგენილი სატენდერო განცხადებაში მითითებული სავარაუდო ღირებულების 1%-ის ოდენობით. ტენდერში მონაწილეობის საფასური შეადგენს 50 ლარს.

1.5. ელექტრონული გარანტიის წარდგენისა და საფასურის გადახდის სისტემაში არსებული ავტომატური საშუალებების გაუმართაობის შემთხვევაში, ყოველ კონკრეტულ ტენდერში, ელექტრონული გარანტიის წარდგენა და საფასურის გადახდა შესაძლებელია განხორციელდეს სააგენტოსთან შეთანხმებით, ტექნიკური დოკუმენტაციის სისტემაში ატვირთამდე **„გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანებით** გათვალისწინებული პროცედურების გამოყენებით.. აღნიშნული ქმედებების განხორციელების გარეშე თქვენ არ გექნებათ სატენდერო წინადადების წარდგენისა და, შესაბამისად, ტენდერში მონაწილეობის შესაძლებლობა.

1.6. მას შემდეგ, რაც ზემოაღნიშნულ ქმედებებს განახორციელებთ, თქვენ უფლება გაქვთ სისტემის მეშვეობით წარადგინოთ სატენდერო წინადადება.

1.7. სატენდერო წინადადება შედგება სატენდერო წინადადების ფასისაგან და ტექნიკური დოკუმენტაციისაგან.

1.8. ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრედენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით, გარდა ადმინისტრაციული ორგანოდან წარმოსადგენი საკვალიფიკაციო მონაცემების დამადასტურებელი დოკუმენტებისა.

1.9. ტექნიკური დოკუმენტაციის ატვირთვის შემდეგ, თქვენ გაქვთ შესაძლებლობა მიუთითოთ თქვენი სატენდერო წინადადების ფასი კანონმდებლობით გათვალისწინებული ყველა გადასახადის გათვალისწინებით.

1.10. სატენდერო წინადადების ფასი მითითებისთანავე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით 3 რაუნდად.

1.11. ძირითად დროში უფლება გაქვთ ცვალოთ თქვენი ფასი, კლებადობის პრინციპის გათვალისწინებითა და შემსყიდველის მიერ განსაზღვრული ბიჯზე არანაკლები ოდენობით.

1.12. ბიჯი არის სატენდერო წინადადების ფასის კლების წინასწარ განსაზღვრული მინიმალური ოდენობა, რომელიც მითითებულია სატენდერო განცხადების შესაბამის ველში.

1.13. დამატებითი რაუნდების თითოეულ რაუნდში პრეტენდენტებს უფლება აქვს მხოლოდ ერთხელ შემაჯიროს წინადადების ფასი, რისთვისაც განესაზღვრება ორი წუთი. დამატებით რაუნდებში მონაწილეობა სავალდებულო არ არის და პრეტენდენტს უფლება აქვს რაუნდში მონაწილეობა არ მიიღოს და, შესაბამისად, ძალაში დარჩება მის მიერ ბოლოს დაფიქსირებული ფასი. რაუნდებში მონაწილეობის მიღება გულისხმობს ზემოთ აღნიშნული პრინციპით ფასის შემცირებას ან მის იგივე ოდენობით დატოვებას.

1.14. დამატებით რაუნდებში მონაწილეობის უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. პირველ რაუნდში პრეტენდენტის მიერ წინადადების ფასის წარდგენის რიგითობა განისაზღვრება ძირითად დროში წარდგენილი წინადადების ფასის მიხედვით, კერძოდ, პირველს რაუნდში ბოლო შეთავაზებას აკეთებს ის პრეტენდენტი, რომელმაც ძირითად დროში ყველაზე დაბალი ფასი დააფიქსირა, ხოლო ყოველ მომდევნო რაუნდში – კი ის პრეტენდენტი, რომელმაც წინა რაუნდში ყველაზე დაბალი ფასი დააფიქსირა. წინადადების თანაბარი ფასების დაფიქსირების შემთხვევაში, რაუნდში ბოლო შეთავაზებას აკეთებს ის პრეტენდენტი, რომელმაც პირველმა დააფიქსირა ასეთი ფასი.

1.15. მას შემდეგ, რაც დასრულდება დამატებითი რაუნდები, სისტემა პრეტენდენტებს აჯგუფებს სატენდერო წინადადების ფასის მიხედვით. ამის შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის ტექნიკური დოკუმენტაცია.

1.16. იმ შემთხვევაში თუ ორი ან მეტი პრეტენდენტის მიერ სისტემაში მითითებულია თანაბარი ფასი, სისტემა ავტომატურად ანიჭებს უპირატესობას იმ პრეტენდენტს, რომელმაც პირველმა მიუთითა სატენდერო წინადადების აღნიშნული ფასი.

1.17. თუ პრეტენდენტის მიერ წარმოდგენილი ტექნიკური დოკუმენტაცია არ შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი მას განუსაზღვრავს არაუმეტეს 3 დღისა ტექნიკური დოკუმენტაციის დაზუსტებისათვის. დაუშვებელია ტექნიკური დოკუმენტაციის ისეთი დაზუსტება, რომელიც გამოიწვევს სატენდერო წინადადების არსებით ცვლილებას და მოახდენს გავლენას წინადადების ფასზე.

1.18. თუ პრეტენდენტის სატენდერო წინადადება შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი ორგანიზაცია მიმართავს მას ადმინისტრაციული ორგანოს მიერ გასაცემი საკვალიფიკაციო მონაცემების დამადასტურებელი დოკუმენტების წარმოდგენის მოთხოვნით.

1.19. იმ შემთხვევაში თუ ყველაზე დაბალი ფასის მქონე პრეტენდენტმა წარმატებით გაიარა ყველა ზემოთ მოყვანილი ეტაპი (არ იქნა დისკვალიფიცირებული), ამ პრეტენდენტის მიერ საკვალიფიკაციო მონაცემების დამადასტურებელი დოკუმენტების წარდგენიდან არაუგვიანეს 5 სამუშაო დღისა, შემსყიდველი დებს მასთან სახელმწიფო შესყიდვების შესახებ ხელშეკრულებას.

1.20. **პრეტენდენტის დისკვალიფიკაცია ხდება „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების მე-13 მუხლის შესაბამისად;**

1.21 ამ პუნქტის 1.20 ქვეპუნქტით გათვალისწინებულ შემთხვევებში, შემსყიდველ ორგანიზაციას უფლება აქვს მიმართოს ყველაზე დაბალი ფასის მქონე მომდევნო პრეტენდენტს, თუ ამ პრეტენდენტის მიერ სისტემაში ატვირთული ტექნიკური

დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს.

1.22. ელექტრონული ტენდერის შეწყვეტა:

ა) სატენდერო კომისიას უფლება აქვს შეწყვიტოს ტენდერი თუ ყველაზე დაბალი ფასის მქონე პრეტენდენტის დისკვალიფიკაციის შემდეგ, თუ მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შედეგად, მნიშვნელოვნად აღემატება დისკვალიფიცირებული პრეტენდენტის მიერ შემოთავაზებულ ფასს ან/და ამ შესყიდვის ობიექტის საბაზრო ღირებულებას.

ბ) სატენდერო კომისიას უფლება აქვს გამარტივებული ელექტრონული ტენდერისა და ელექტრონული ტენდერის შემთხვევებში ხელშეკრულების დადებამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებული ობიექტური მიზეზებით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე;

გ) შესყიდვის პროცედურების შეწყვეტის შემთხვევაში შემსყიდველი ორგანიზაცია ვალდებული არ არის, პრეტენდენტებს წარუდგინოს კონკრეტული მტკიცებულება ან დეტალური ინფორმაცია, რომლის საფუძველზედაც მიიღო ეს გადაწყვეტილება. შესყიდვის პროცედურების შეჩერებისას ან შეწყვეტისას შემსყიდველი ორგანიზაცია ვალდებული არ არის, ანაზღაუროს შესყიდვაში მონაწილეობასთან დაკავშირებული ხარჯები..

1.23. ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.24. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.25. სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

1.26. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.27. პრეტენდენტს არა აქვს უფლება წარმოადგინოს ალტერნატიული წინადადება.

2. ტექნიკური დოკუმენტაცია

2.1. საკვალიფიკაციო მოთხოვნები:

საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

2.1.1. იურიდიული პირებისათვის:

ა) ცნობა მეწარმეთა და არასამეწარმეო (არაკომერციული) იურიდიულ პირთა რეესტრიდან, რომ არ ხორციელდება იურიდიული პირის რეორგანიზაცია ან ლიკვიდაცია;

ბ) ცნობა საქართველოს საჯარო რეესტრის ეროვნული სააგენტოდან, იურიდიული პირის ქონებაზე საჯარო სამართლებრივი შეზღუდვის (ყადაღის) არარსებობის შესახებ.

გ) ცნობა ფინანსთა სამინისტროს შემოსავლების სამსახურიდან ბიუჯეტის წინაშე დავალიანების არ არსებობის შესახებ

დ) ცნობა შ.ს.ს ორგანოებიდან ორგანიზაციის ხელმძღვანელის ნასამართლეობის არ არსებობისა და ძებნაში არ ყოფნის შესახებ

ე) ამონაწერი მეწარმეთა და არასამეწარმეო პირთა რეესტრიდან

2.1.2. ფიზიკური პირებისათვის:

ა) ცნობა უფლებამოსილი ორგანოდან, რომ ფიზიკური პირის მიმართ არ მიმდინარეობს გადახდისუუნარობის საქმის წარმოება;

ბ) ცნობა ფინანსთა სამინისტროს შემოსავლების სამსახურიდან ბიუჯეტის წინაშე დავალიანების არ არსებობის შესახებ

გ) ცნობა შ.ს.ს ორგანოებიდან ფიზიკური პირის ნასამართლეობის არ არსებობისა და ძებნაში არ ყოფნის შესახებ

დ) ამონაწერი მეწარმეთა და არასამეწარმეო პირთა რეესტრიდან

2.1.3. როგორც იურიდიული ასევე ფიზიკური პირებისათვის:

ა) პრეტენდენტმა უნდა წარმოადგინოს რეკვიზიტები, **დანართი #2-ის მიხედვით.**

ბ) იურიდიული პირის შემთხვევაში ხელმძღვანელის **პირადობის მოწმობის ასლი,** ხოლო ფიზიკური პირის შემთხვევაში ფიზიკური პირის **პირადობის მოწმობის ასლი**

გ) ფასების ცხრილი, **დანართი #3-ის მიხედვით**

დ) ინფორმაცია სამუშაოთა დასრულების ვადის შესახებ, **დანართი #4-ის მიხედვით**

ე) ინფორმაცია შესრულებულ სამუშაოთა საგარანტიო ვადების შესახებ, **დანართი #5-ის მიხედვით**

ვ) 2010 ან 2011 წლებში განხორციელებული მსგავსი სახის სამშენებლო სამუშაოების შესახებ ინფორმაცია, **დანართი #6-ის** მიხედვით, რომლის დასტურად წარმოდგენილი უნდა იქნას შესაბამისი ხელშეკრულებების და მიღება_ჩაბარების დამადასტურებელი დოკუმენტაციის ქსერო ასლები ან ცნობა შემსყიდველი ორგანიზაციიდან იმის შესახებ, თუ რა სახის და ღირებულების სამუშაო იქნა შესრულებული „პრეტენდენტის“ მიერ წლების მითითებით. ცნობაში ასევე მითითებული უნდა იყოს გააჩნია თუ არა შემსყიდველ ორგანიზაციას პრეტენზია „პრეტენდენტის“ მიმართ შესრულებული სამუშაოების ხარისხზე.

2.2. ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები გაცემული უნდა იყოს აღნიშნული ტენდერის „წინადადების მიღება დაწყებულია“ სტატუსის გათვალისწინებული ეტაპის დაწყების შემდეგ, ხოლო არარეზიდენტი პრეტენდენტის შემთხვევაში გაცემული უნდა იყოს აღნიშნული ტენდერის „წინადადების მიღება დაწყებულია“ სტატუსის გათვალისწინებული ეტაპის დაწყებამდე არა უგვიანეს 30 დღისა;

2.3. ამ პუნქტის 2.2. ქვეპუნქტით გათვალისწინებული, ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები, დედნის სახით ან ნოტარიულად დამოწმებული ასლები, წარმოდგენილი უნდა იქნეს შემსყიდველ ორგანიზაციაში მოთხოვნიდან არაუმეტეს 5 (ხუთი) სამუშაო დღეში. არარეზიდენტმა პრეტენდენტ(ებ)მა უნდა წარმოადგინონ თავიანთი ქვეყნის შესაბამისი უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე.

2.4. პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების წარმოდგენა შემსყიდველ ორგანიზაციაში შესაძლებელია განხორციელდეს სისტემის გამოყენების გარეშე, საქართველოს კანონმდებლობით დადგენილი ფორმით. პრეტენდენტს ასევე უფლება აქვს საქართველოს კანონმდებლობით დადგენილი ფორმით გაცემული საკვალიფიკაციო მონაცემები წარმოადგინოს სისტემის მეშვეობით.

პრეტენდენტის მიერ საკვალიფიკაციო მონაცემების წარმოდგენლობის ან/და ხარვეზის მქონე მონაცემების წარმოდგენის შემთხვევაში, სატენდერო კომისია მოახდენს ამ პრეტენდენტის დისკვალიფიკაციას.

2.5. პრეტენდენტს უფლება აქვს წარმოადგინოს მხოლოდ ერთი სატენდერო წინადადება

2.6. ანგარიშსწორების პირობები:

2.6.1. სატენდერო წინადადებაში შესასრულებელ სამუშაოთა საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის, მ/შ დ.ღ.გ-ს გათვალისწინებით. ხარჯები რომელიც სატენდერო წინადადების ფასში არ იქნება გათვალისწინებული ან/და გაფასებული არ ანაზღაურდება.

2.6.2. ანგარიშსწორება მოხდება უნაღდო ანგარიშსწორებით, ლარში, თანადაფინანსების პრინციპით, კერძოდ:

- ა) შესრულებულ სამუშაოთა 10%-ს დააფინანსებს ბინის მესაკუთრება ამხანაგობა
- ბ) შესრულებულ სამუშაოთა 90%-ს დააფინანსებს სამტრედიის მუნიციპალიტეტი

2.6.3 შესაძლებელია შუალედური ანგარიშსწორების განხორციელება. ტენდერში გამარჯვებულ იურიდიულ ან ფიზიკურ პირს შუალედური დაფინანსების მოთხოვნის უფლება გააჩნია მხოლოდ იმ შემთხვევაში თუ, კი მის მიერ ფაქტიურად შესრულებულ სამუშაოთა ღირებულება დღგ-ს ჩათვლით შეადგენს მინიმუმ 10000 (ათიათასი) ლარს, რაზეც „მომწოდებელსა“ და „შემსყიდველს“ შორის უნდა გაფორმებდეს შუალედური კომისიური მიღება-ჩაბარების აქტი და ფორმა #2-ი რომლის დამოწმების საფუძველია ტექნიკური ზედამხედველის მიერ შედგენილი დასკვნა.

წინასწარი ანგარიშსწორების განხორციელების შემთხვევაში, შუალედური ანგარიშსწორებით დასაფინანსებელ თანხას გამოაკლდება წინასწარ გადახდილი თანხა.

2.6.4. საბოლოო ანგარიშსწორება მოხდება „მომწოდებელსა“ და „შემსყიდველს“ შორის გაფორმებული საბოლოო კომისიური მიღება-ჩაბარების აქტის და ფორმა #2-ს მხარეთა მიერ ხელმოწერიდან 10 დღის ვადაში, აღნიშნული დოკუმენტაციის დამოწმების საფუძველია ტექნიკური ზედამხედველის მიერ შედგენილი დასკვნა.

2.6.4. წინასწარი ანგარიშსწორების მექანიზმის გამოყენება შესაძლებელია, სახელმეკრულებო თანხის 25%-ის ფარგლებში, **ბანკის** შესაბამისი საბანკო გარანტიის

წარმოდგენის საფუძველზე, რომლის მოქმედების ვადა 30 დღით უნდა აღემატებოდეს ხელშეკრულების მოქმედების ვადას.

2.7. ხელშეკრულების უზრუნველყოფის საბანკო გარანტია:

2.7.1. ტენდერში გამოყენებულ იქნება ხელშეკრულების უზრუნველყოფის ბანკის საბანკო გარანტია, ხელშეკრულების საერთო ღირებულების მინიმუმ 7%-ის ოდენობით,

2.7.2. ხელშეკრულების უზრუნველყოფის საბანკო გარანტიის მოქმედების ვადა 45 კალენდარული დღით უნდა აღემატებოდეს ხელშეკრულებით გათვალისწინებული სამუშაოების დასრულების ვადას.

2.8 ტექნიკური დავალება

მომწოდებლის მიერ შესასრულებელი სამუშაოები გულისხმობს შემდეგს:

2.8.1 „მომწოდებელი“ ვალდებულია:

ა) სამუშაოები ჩაატაროს ფასების ცხრილით (დანართი #3) გათვალისწინებული მოცულობებისა და პირობების შესაბამისად.

ბ) სამუშაოების ჩატარებისას მაქსიმალურად დაიცვას უსაფრთხოების ნორმები, როგორც სამუშაოზე დასაქმებული მუშა ხელის ასევე ქვეითად მოსიარულეთა მიმართ.

გ) ზემოთაღნიშნულის მიზნით გამოიყენოს სხვადასხვა საშუალებები და უზრუნველყოს სამუშაოს მიმდებარე ტერიტორიაზე ქვეითად მოსიარულეთა ადგილების შეზღუდვა შემსყიდველთან შეთანხმებით.

დ) სამუშაოების ჩატარების პროცესში ნალექის მოსვლისას უზრუნველყოს სახურავის ღია ადგილების ისეთნაირად დაფარვა, რომ არ მოხდეს მოსახლეობის საკუთრებაში არსებული საცხოვრებელი ფართების დაზიანება.

აღნიშნული მოთხოვნის არ დაკმაყოფილების ან/და ნაწილობრივ დაკმაყოფილების შემთხვევაში მოსახლეობაზე მიყენებული ზიანის ანაზღაურება სრულად ეკისრება „მომწოდებელს“.

2.8.2 სამუშაოების დასრულება უნდა განხორციელდეს ხელშეკრულების ძალაში შესვლიდან 2 დღეში და დასრულდეს 2012 წლის 10 სექტემბრამდე.

2.8.3 პრეტენდენტმა სატენდერო წინადადების ფასის წარმოდგენისას უნდა გაითვალისწინოს მის მიერ საქართველოს კანონმდებლობით გათვალისწინებული ყველა გადასახადი, მ/შ დ.დ.გ, რომელიც აუცილებელია ზემოთაღნიშნული სამუშაოს ჩასატარებლად;

2.9 აუცილებელი პირობები:

- სამუშაოების შესრულებისას გამოყენებული სხვადასხვა მასალები და მოწყობილობები უნდა იყოს მაღალი ხარისხის და შეესაბამებოდეს ამ სფეროში აღიარებულ სტანდარტებს

- სამუშაოების შესრულების პროცესში გამოყენებული მასალების ვიზუალურ-ტექნიკური მახასიათებლები (ხარისხი, ფაქტურა, და სხვა) უნდა შეთანხმდეს სამტრედიის მუნიციპალიტეტის გამგეობასთან.

- შესრულებულ სამუშაოებზე უნდა ვრცელდებოდეს **5 (ხუთი) წლიანი გარანტია**, გარდა ფორს მაჟორული სიტუაციებიდან მიღებული დაზიანებებისა;

2.9. ფასების ცხრილი

2.9.1. პრეტენდენტმა უნდა წარმოადგინოს ფასების ცხრილი დანართი #3-ის მიხედვით

2,10 შესყიდვის ობიექტის მიწოდების ვადები და ადგილი:

სამუშაოები უნდა დასრულდეს **2012 წლის 10 სექტემბრამდე**.

სამუშაოები უნდა ჩატარდეს შემდეგ მისამართზე: ქ. სამტრედია, კოსტავას ქ. #168; ლ. თევზაძის ქ. #25 და ჩეხოვის ქ. #13.

2,11 . შესყიდვის ობიექტის სავალდებულო საგარანტიო ვადები და პირობები

- შესყიდვის ობიექტის საგარანტიო ვადა უნდა შეადგენდეს მინიმუმ 5 (ხუთი) წელს,
- საგარანტიო ვადის განმავლობაში მიმწოდებელი ვალდებულია შეტყობინების მიღებისთანავე დაიწყოს შესყიდვის ობიექტის ან მისი ნაწილის შეკეთება ან შეცვლა შემსყიდველის მხრიდან რაიმე დამატებითი დანახარჯის გაწევის გარეშე
- საგარანტიო ვადის განმავლობაში მიმწოდებლის მიზეზით გამოვლენილი დეფექტების შემთხვევაში ის ვალდებულია თავისი ხარჯებით უზრუნველყოს დეფექტების აღმოფხვრა შეტყობინების მიღებიდან არაუმეტეს 5 დღის ვადაში

2.12 პრეტენდენტის მიერ ერთიან ელექტრონულ სისტემაში ასატვირთი მონაცემები:

ა) პრეტენდენტმა სისტემაში უნდა ატვირთოს ტექნიკური დოკუმენტაციის „2,1“ პუნქტით გათვალისწინებული ყველა დოკუმენტი, გარდა **ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტებსა**

შენიშვნა: სისტემაში ატვირთული დოკუმენტები ხელმოწერილი და ბეჭედით დამოწმებული უნდა იყოს პრეტენდენტის ან მისი უფლებამოსილი პირის მიერ, შესაბამისი უფლებამოსილების დამადასტურებელი დოკუმენტის თანდართვით.

სახელმწიფო შესყიდვის შესახებ ხელშეკრულების პროექტი

ხელშეკრულება სახელმწიფო შესყიდვების შესახებ

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში.

წინამდებარე ხელშეკრულება დაიდო _____ 201 წ.

ერთის მხრივ
სამტრედიის მუნიციპალიტეტი (შემდგომში „შემსყიდველი“)
და მეორეს მხრივ

_____ (შემდგომში „მიმწოდებელი“)
(მიმწოდებლის დასახელება და რეკვიზიტები)

შორის.
იმის გათვალისწინებით, რომ შემსყიდველმა ჩაატარა ტენდერი

შესყიდვის ობიექტის მოკლე აღწერა

შესყიდვაზე რომელშიც გამარჯვებულად მიჩნეულ იქნა მიმწოდებლის სატენდერო წინადადება, რომლის თანახმად მიმწოდებელმა აიღო ვალდებულება მიაწოდოს შემსყიდველს ზემოაღნიშნული საქონელი შემდეგ თანხაზე:

(ხელშეკრულების თანხა ციფრებით, სიტყვიერად და ვალუტის ჩვენებით)

(შემდგომში „ხელშეკრულების ღირებულება“).

CPV კოდი - 4526 0000 ; გადახურვის და სხვა სპეციალური სამშენებლო სამუშაოები

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1. „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) – შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ხედმიწევნით შესრულებისათვის;

1.3. „შემსყიდველი ორგანიზაცია“ (შემდგომში „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;

1.4. „მიმწოდებელი“ ნიშნავს პირს, რომელმაც მოიპოვა გამარჯვება ტენდერში და აწვდის საქონელს სახელმწიფო შესყიდვის შესახებ მოცემული ხელშეკრულების ფარგლებში;

1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. სტანდარტები

ხელშეკრულების ფარგლებში შესრულებული სამუშაოს ხარისხი უნდა შეესაბამებოდეს სამშნებლო წესებითა და ნორმებით გათვალისწინებულ მოთხოვნებს.

3. საპატენტო უფლებები.

3.1. საქონლის ან მისი ნებისმიერი ნაწილის გამოყენების საპატენტო უფლების დარღვევასთან, ასევე სასაქონლო მარკის ან საწარმოო ნაკეთობის გამოყენებასთან დაკავშირებით წარმოშობილი დავების ან მატერიალური პასუხისმგებლობის მოგვარება ეკისრება მიმწოდებელს.

4. ხელშეკრულების შესრულების კონტროლი.

4.1. შემსყიდველს ან მის წარმომადგენლებს უფლება აქვთ სამუშაოების შესრულების პარალელურად განახორციელონ კონტროლი შესრულებულ სამუშაოებზე, რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან.

4.2. მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

4.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა, წუნდებული საქონლის შეცვლა და კონტროლის (ინსპექტირების) შედეგად დაზიანებული საცდელი ნიმუშების ღირებულების დაფარვა.

4.4. ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების სხვა ვალდებულებებისაგან.

4.5. მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ სამტრედიის მუნიციპალიტეტის შესაბამისი კომისია და ტექნიკური ზედამხედველი.

5. სამუშაოს შესრულების პირობები

5.1. სამუშაოს შესრულების ვადა: ხელშეკრულების ძალაში შესვლიდან ----- კალენდარული დღე

5.2. სამუშაოების ჩატარების ადგილია: ქ. სამტრედია, კოსტავას ქ. #168; ლ. თევზაძის ქ. #25 და ჩეხოვის ქ. #13.

5.3. მიმწოდებელი ვალდებულია სამუშაოები ჩაატაროს ხარისხიანად.

6. შესყიდვის ობიექტის მიღება-ჩაბარების წესი და ანგარიშწორება

6.1 ანგარიშწორება მოხდება უნაღდო ანგარიშწორებით, ლარში, თანადაფინანსების პრინციპით, კერძოდ:

ა) შესრულებულ სამუშაოთა 10%-ს დააფინანსებს ბინის მესაკუთრება ამხანაგობა

ბ) შესრულებულ სამუშაოთა 90%-ს დააფინანსებს სამტრედიის მუნიციპალიტეტი

6.2 შესაძლებელია შუალედური ანგარიშწორების განხორციელება. შუალედური დაფინანსების მოთხოვნის უფლება „მომწოდებელს“ გააჩნია მხოლოდ იმ შემთხვევაში თუ, კი მის მიერ ფაქტიურად შესრულებულ სამუშაოთა ღირებულება დღგ-ს ჩათვლით შეადგენს მინიმუმ 10000 (ათიათასი) ლარს, რაზეც „მომწოდებელსა“ და „შემსყიდველს“ შორის უნდა გაფორმდეს შუალედური კომისიური მიღება-ჩაბარების აქტის და ფორმა #2-ს რომლის დამოწმების საფუძველია ტექნიკური ზედამხედველის მიერ შედგენილი დასკვნა.

წინასწარი ანგარიშწორების განხორციელების შემთხვევაში, შუალედური ანგარიშწორებით დასაფინანსებელ თანხას გამოაკლდება წინასწარ გადახდილი თანხა.

6.3. საბოლოო ანგარიშწორება მოხდება „მომწოდებელსა“ და „შემსყიდველს“ შორის გაფორმებული საბოლოო კომისიური მიღება-ჩაბარების აქტის და ფორმა #2-ს მხარეთა მიერ ხელმოწერიდან 10 დღის ვადაში, აღნიშნული დოკუმენტაციის დამოწმების საფუძველია ტექნიკური ზედამხედველის მიერ შედგენილი დასკვნა.

2.6.4. წინასწარი ანგარიშწორების მექანიზმის გამოყენება შესაძლებელია, სახელშეკრულებო თანხის 25%-ის ფარგლებში, ბანკის შესაბამისი საბანკო გარანტიის წარმოდგენის საფუძველზე, რომლის მოქმედების ვადა 45 დღით უნდა აღემატებოდეს ხელშეკრულების მოქმედების ვადას.

7. ფასები

7.1. შესყიდვის ობიექტის ფასი განისაზღვრება ლარებში

7.2. შესყიდვის ობიექტის საერთო ღირებულება შეადგენს ----- ლარი.

7.3. ფასების ცვლილება შესაძლებელია განხორციელდეს მოქმედი კანონმდებლობით გათვალისწინებული ფაქტების დადგომისას.

7.4. ფასების ცვლილების შესახებ ამ ხელშეკრულების მხარემ უნდა შეატყობინოს მეორე მხარეს წერილობით, რომელიც თავის მხრივ უფლებამოსილია არ დაეთანხმოს აღნიშნულ ცვლილებაზე.

8. ხელშეკრულებაში ცვლილებების შეტანა.

8.1. არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

8.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

8.3. ნებისმიერი ცვლილება, რომელსაც მოჰყვება ხელშეკრულების ფასისი გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით.

8.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

9. უფლებების გადაცემა

9.1. მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები მესამე პირს.

10. სუბკონტრაქტორები

10.1. ხელშეკრულების გაფორმების შემდგომ მიმწოდებელმა წერილობით უნდა აცნობოს შემსყიდველს სუბ-კონტრაქტორ(ებ)ის აყვანის ან შეცვლის შესახებ (სუბ-კონტრაქტორის აყვანის აუცილებლობის მიზეზების დასაბუთებით). სუბ-კონტრაქტორ(ებ)ის დასაშვებობის საკითხს წყვეტს შემსყიდველი და მიმწოდებელი ერთობლივი მოლაპარაკების საფუძველზე, რომელიც გაფორმდება წერილობითი ფორმით წინამდებარე ხელშეკრულების დამატების სახით.

10.2. ამ ხელშეკრულების ფარგლებში დადებული ყველა სუბკონტრაქტის ასლი უნდა წარედგინოს შემსყიდველს.

10.3. ამ ხელშეკრულების ფარგლებში დადებული არც ერთი სუბკონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.

11. ხელშეკრულების შესრულების გარანტია

11.1. იმისათვის, რომ თავიდან იქნეს აცილებული რისკი, წარმოქმნილი მიმწოდებლის მიერ სახელმწიფო შესყიდვის შესახებ ხელშეკრულების შეუსრულებლობის გამო, ტენდერში გამოყენებული იქნა გარანტირების მექანიზმის შემდეგი სახე – საბანკო გარანტია, ხელშეკრულების საერთო ღირებულების 7%-ის ოდენობით.

11.2. მიმწოდებლის მიერ ხელშეკრულებით გათვალისწინებული ვალდებულებების დარღვევის (ხელშეკრულებით გათვალისწინებული ვალდებულებების შესრულებაზე უარის თქმა, ხელშეკრულებით გათვალისწინებული ვადების დარღვევა, ვალდებულების უხარისხოდ, არაჯეროვნად, არასრულად შესრულება და სხვა) შემთხვევაში, მიმწოდებელს საბანკო გარანტიით გათვალისწინებული თანხა არ დაუბრუნდება.

11.3. მიმწოდებელს ხელშეკრულების შესრულების უზრუნველსაყოფად გაცემული საბანკო გარანტია, ხელშეკრულებით გათვალისწინებული ვალდებულებების სრული და ჯეროვანი შესრულების შემთხვევაში, დაუბრუნდება მხარეთა შორის შესყიდვის ობიექტის საბოლოო მიღება-ჩაბარების აქტის გაფორმებიდან 5 კალენდარული დღის ვადაში.

11.4. მიმწოდებლისგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი ორგანიზაცია ვალდებულია მიმწოდებლის მოთხოვნისთანავე დაუბრუნოს მას ხელშეკრულების შემსრულების უზრუნველყოფის გარანტია.

12. ხელშეკრულების პირობების შეუსრულებლობა

12.1. ფორს-მაჟორული პირობების გარდა, ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა, – ყოველ გადაგადაცილებულ დღეზე ხელშეკრულების ღირებულების 0.5%-ის ოდენობით, ხოლო, თუ კი ადგილი აქვს ვალდებულების ნაწილის შეუსრულებლობას, პირგასამტეხლო შეადგენს ვალდებულების შეუსრულებელი ნაწილის 0.5%-ს.

12.2. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5%-ს, შემსყიდველს უფლება აქვს ცალმხრივად შეწყვიტოს ხელშეკრულება.

12.3. საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისგან.

13. ხელშეკრულების შეწყვეტა მისი პირობების შეუსრულებლობის გამო

13.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი საქონელი ან მისი ნაწილი;

ბ) თუ მიმწოდებელს არ შეუძლია შასრულოს ხელშეკრულებით გათვალისწინებული, რომელიმე ვალდებულება.

13.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

13.3. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;

დ) საქართველოს კანონმდებლობით გათვალისწინებულ სხვა შემთხვევებში.

13.4. ამ მუხლის მე-3 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიღებული საქონლის ღირებულება.

14. ფორს-მაჟორი

14.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

14.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არის დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

14.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

15. სადაო საკითხების გადაწყვეტა

15.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

15.2. თუ ასეთი მოლაპარაკების დაწყებიდან 30(ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის და მიხედვით მიმართოს საქართველოს სასამართლოს, თუ ხელშეკრულების სპეციფიკურ პირობებში სხვა რამ არ არის გათვალისწინებული.

16. გამოყენებული სამართალი

16.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

17. ხელშეკრულების ენა

17.1. ხელშეკრულება დაწერილია ქართულ ენაზე და ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა იყოს ქართულად შედგენილი.

18. შეტყობინება

18.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

18.2. შეტყობინება შედის ძალაში ადრესატის მიერ მისი მირების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

19. გადასახადები და დაბეგვრა

19.1. უცხოელი მიმწოდებელი პასუხს აგებს მისაწოდებელი საქონლის წარმოებასა და მიწოდებასთან დაკავშირებული ყველა იმ გადასახადის, მოსაკრებლების და სხვა გადასახდელები გადახდაზე, რომლებიც გადასახდელია საქართველოს ფარგლებში და მის გარეთ.

19.2. ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულების სპეციფიკური პირობებით სხვა რამ არ არის გათვალისწინებული.

20. ხელშეკრულების მოქმედების ვადა.

20.1. წინამდებარე ხელშეკრულება ძალაშია ხელშეკრულებაზე სამტრედიის მუნიციპალიტეტის საკრებულოს თავმჯდომარის ხელმოწერის თარიღის მომდევნო დღიდან და მოქმედებს ----- დღის განმავლობაში

21. სხვა პირობები

21.1. არც ერთი მხარე არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

21.2. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

21.3. ხელშეკრულება შედგენილია ქართულ ენაზე, ოთხ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და სამი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

21.4 გამარჯვებული პრეტენდენტის მიერ წარმოდგენილი სატენდერო წინადადება და დანართები თან ერთვის ხელშეკრულებას და წარმოადგენს მის განუყოფელ ნაწილს.

21.5. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

შემსყიდველი:

მიმწოდებელი:

4. დამატებითი ინფორმაცია:

4.1. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის შემთხვევაში. ქ. სამტრედია, რესპუბლიკის ქუჩა #6, მე-3 სართული. საკონტაქტო პირი ია ხოშტარია. ტელ: 895 33 22 25

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებთ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

- ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;
 - უფლებამოსილი ვარ პრეტენდენტის მიერ, ხელი მოვაწერო ამ აფიდავიტს და წარვადგინო ეს სატენდერო წინადადება;
 - ნებისმიერი პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;
 - ჩემთვის ცნობილია, რომ ტერმინი „კონკურენტი“ აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;
 - მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულ კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:
- სატენდერო წინადადების ფასი;
 - სატენდერო წინადადების ფასის გამოთვლის მეთოდი, კოეფიციენტი ან ფორმულა;
 - სატენდერო წინადადების წარდგენა ან წარდგენისაგან თავის შეკავება;
 - ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
 - შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;
- სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

გავეცანი ამ აფიდავიტის შენაარსს და ვადასტურებ წარმოდგენილი ინფორმაციის უტყუარობას.

თანხმობა

სახელმწიფო შესყიდვის მიზნებისათვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმომწერი, პრეტენდენტის სახელით, ადასტურებს დოკუმენტსი მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის კოდი:

ანგარიშსწორების ანგარიში:

ანგარიშის ნომერი:

ხელმოწერა და ბეჭედი

დანართი #3

ფასების ცხრილი

იხილეთ დამატებითი დანართების სახით

დანართი #4

სამუშაოს დასრულების ვადა

ტენდერში გამარჯვების შემთხვევაში ვიღებ ვალდებულებას სამუშაოები დავიწყო ხელშეკრულების ძალაში შესვლიდან 2 დღეში და დავასრულო 2012 წლის 10 სექტემბრამდე.

----- (თანამდებობა, სახელი, გვარი) -----

შენიშვნა:

-პრეტენდენტმა ხელმოწერით უნდა დაადასტუროს თანხმობა სამუშაოს დასრულების ვადაზე.

თანხმოება აუცილებელ და საგარანტიო პირობებზე

ტენდერში გამარჯვების შემთხვევაში თანახმა ვარ:

- ა) სამუშაოების შესრულებისას გამოვიყენო ისეთი მასალები და მოწყობილობები, რომელიც იქნება მაღალი ხარისხის და შეესაბამება ამ სფეროში აღიარებულ სტანდარტებს
- ბ) სამუშაოების შესრულების პროცესში გამოყენებული მასალების ვიზუალურ-ტექნიკური მახასიათებლები (ფორმა, ხარისხი, ფაქტურა, და სხვა) შევთანხმო სამტრედიის მუნიციპალიტეტის გამგეობასთან.
- გ) ელექტრონული ვაჭრობის შემთხვევაში ჩემს მიერ ფასის კლება არ განვახორციელო გამოსაყენებელი მასალების ხარისხის შემცირების ხარჯზე.
- დ) შესყიდვის ობიექტის საგარანტიო ვადად განსაზღვრო სამუშაოთა საბოლოო მიღება-ჩაბარების აქტის შედგენიდან 5 წელი. (გარდა ფორს მაჟორული სიტუაციიდან და მექანიკურად მიყენებული დაზიანებებით გამოწვეული დეფექტებისა)
- ე) საგარანტიო ვადის პერიოდში ვიღებ ვალდებულებას შეტყობინების მიღებისთანავე დავიწყო შესყიდვის ობიექტის ან მისი ნაწილის შეკეთება ან შეცვლა, შემსყიდველის მხრიდან რაიმე დამატებითი დანახარჯების გარეშე.
- ვ) საგარანტიო ვადის განმავლობაში ჩემი მიზეზით გამოვლენილი დეფექტების შემთხვევაში ჩემი ხარჯებით ვუზრუნველყო დეფექტების აღმოფხვრა შეტყობინების მიღებიდან 5 დღის ვადაში, სამუშაოთა მოცულობების გათვალისწინებით
- ზ) სამუშაოები ჩავატარო ფასების ცხრილით (დანართი #3) გათვალისწინებული მოცულობებისა და პირობების შესაბამისად.
- თ) სამუშაოების ჩატარებისას მაქსიმალურად დაიცვას უსაფრთხოების ნორმები, როგორც სამუშაოზე დასაქმებული მუშა ხელის ასევე ქვეითად მოსიარულეთა მიმართ.
- ი) ზემოთაღნიშნულის მიზნით გამოვიყენებ სხვადასხვა საშუალებებს, რითაც უზრუნველყოფილი იქნება სამუშაოს მიმდებარე ტერიტორიაზე ქვეითად მოსიარულეთა შეზრუდვა.
- კ) სამუშაოების ჩატარების პროცესში ნაღვეის მოსვლისას უზრუნველყოფ სახურავის ღია ადგილების ისეთნაირად დაფარვას, რომ არ მოხდეს მოსახლეობის საკუთრებაში არსებული საცხოვრებელი ფართების დაზიანება.
- აღნიშნული მოთხოვნის არ დაკმაყოფილების ან/და ნაწილობრივ დაკმაყოფილების შემთხვევაში მოსახლეობაზე მიყენებული ზიანის ანაზღაურებაზე სრულად ვიღებ პასუხისმგებლობას.

----- (თანამდებობა, სახელი, გვარი) -----

2010-2011 წლებში ჩატარებული ანალოგიური (დანართი #3-ით გათვალისწინებულის მსგავსი) სამუშაოების შესახებ ინფორმაცია

სამუშაოს დასახელება	დამკვეთი	სახელშეკრულებო ღირებულება	შენიშვნა